



UNIVERSITÄTS-
BIBLIOTHEK
PADERBORN

Universitätsbibliothek Paderborn

**De Monstris Et Monstrosis, Qvam Mirabilis, Bonvs, Et
Ivstvs, In Mvndo Administrando, Sit Devs, Monstrantibvs**

Stengel, Georg

Ingolstadij, 1647

§. 12. Monstrorum Acheronticorum foeditas ho[r]rorem parit.

[urn:nbn:de:hbz:466:1-51168](https://nbn-resolving.org/urn:nbn:de:hbz:466:1-51168)

temptisq; Dei preceptis obsequentes habuerit. Equidem istam ego futuram aduersus Dominum contumeliosam opprobriationem, ac dedecus, & insolentem hostis gloriationem, grauiora longè esse statuo, quam ea, qua sunt in gehenna supplicia, materiam videlicet nos aduersario Christi, gloriosius se se aduersus illum efferendi extitisse, qui concilianda nobis causa salutis & mortuus sit, & resurrexerit: cui etiam vel hac gratia maiorem in modum debitores sumus, sicut scriptum est.

§. XII.

Monstrorum Acheronticorum fœditas horrorem parit.

Superest ergo, vt hæc monstra horreamus, fugiamus, detestemur. Quod sancti sanè tantò ardentius faciunt, quanto censent clariùs, sibi bonum esse adhærere Deo. Nam & Sanctis apparet, vt in Iob, in D. Ioanne, in Antonio, in Dunstano, in Brunone Episcopo Herbipolensi, in ipso Christo est demonstratum. Cum his velut miles congressus est, vt ex certamine victores prodirent, tantoq; fierent illustriores, postquam vicissent. Alijs apparet Dei beneficio, vt territi desinant peccare, & resipiscant. Alios omnino deuorat, quibus

S. Gregorius
l. 4. dial.
cap. 38.

non in illorum, sed, ut D. Gregorius ait, ad solam utilitatem audientium eiusmodi historias, adest morituris. Ita à quinquenni puero, ita Chrytorio, ita Monacho hypocritæ visus est. De Chrytorio hæc habet. *Panore tetra eorum spirituum imaginis huc illucq; vertebatur in lectulo, iacebat in sinistro latere, aspectum eorum ferre non poterat; vertebatur ad parietem, ibiq; aderant. Cumq; constrictus nimis relaxari se iam posse desperaret, cepit magnis vocibus clamare: Inducias vel usq; manè, Inducias vel usq; manè. Sed cum hac clamaret, in ipsis vocibus de habitaculo sua carnis euulsus est. De quo nimirum constat: quia pro nobis ista, non pro se viderit, ut eius visio nobis proficiat, quos adhuc diuina patientia longanimitè expectat. Nam illi tetros spiritus ante mortem vidisse, & inducias petisse, quid profuit, qui easdem inducias quas petijt, non accepit? Quanquam igitur talia monstra videntibus nullum fructum afferant, afferunt tamen audientibus, & legentibus, in quem solum finem à Deo non minùs benignè, quàm iustè contingere, permitterentur; & tamen non in hunc solum finem permittuntur; quia sæpe talia aspicientes agnoscunt, quid meruerint, & auxilia*

auxilia petunt, quæ prius respuerunt. In quam rem sit vel vnicum hoc exemplum, quod Alexander ab Alexandro recenset. Ita enim loquitur.

§. XIII.

Vtile esse, ut subinde talia monstra terreant peccatores.

Alexand.
ab Ale-
xandro
lib. 4. Ge-
nial. dier.
c. 19.

Non est profecto fabulosum, quod apud sanctos viros autores memorant, ut cum tetrus spiritibus, quos demones vocant, congressum habuerint, illosq; diuersis imaginibus, ac specie multiplici prope deluserint: Siquidem nostra memoria id euenisse compertum est. Nuper amicus meus summus ingenio, & fide singulari, rem dictu admirabilem, hæc prædentibus nobis, sibi euenisse narravit: quod cum credi vix posset, multorum testimonio comprobavit: se, cum apud coniunctissimum & sibi familiarem Neapoli diuenteret, & noctis silentio clamantis de via, & vocem hominis auxilium implorantis audiuisset, cum accenso lumine accurrisset, ut quid rei esset inquireret, ibi Demonem, & dirum quoddam numen tetra & horribili specie conspexisse, qui iuuenem quendam clamantem & reluctantem, in via infestis manibus innadere quarebat, quo conspecto, cum miser ille ad ipsum, quem propè vide-

hæc